



partii naleraq

07. juuni 2019

UKA2019/85

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Kalaallit Nunaanni sivisuumik suliffissaaleqisut ornittagassaannik pilersitsisoqarnissaa siunertaralugu periarfissamik iluaqutaanik aamma ajoqutaanik misissuisoqarnissaannik ukiakkut 2020 saqqummiussaqaassat Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Jens NapâtôK', Partii Naleraq)

Tunngavilersuut:

Partii Naleqqap soqutigisarilluinnarpaa inuit sivisuumik suliffissaaleqisimasut qanoq ikiorserneqarnissaat aqutissiuussinissamik misissuisoqarnissaa. Ilaatigut pisortanit ikiorsiissutit sinnassaataannartut aammalu Partii Naleraq isumaqarmat inuit pisinnaasut sulilersinneqarnissaminnullu kajumittut ullaakkut makillutik annikitsunnguamik sulilersinneqarnissaanerat ujartorneqarmat. Taamaattumik Partii Naleqqap kissaatigaa Naalakkersuisut Kalaallit Nunaanni suliffissaaleqisut ornittagassaannik pilersitsinissamik misissuisoqassasoq.

Maannakkuungallartoq inuit sivisuumik suliffissaaleqisimasut pillugit inatsiseqanngilaq. Inatsisartut inatsisaat nr. 28 ulloq 9. december 2015 suliffissanut, ilitersuisarnernut pikkorissaqqinnernullu qitiusumik ingerlatsiviit pillugit allaqqasoqarpoq *“Nuna tamakkerlugu akeqanngitsumik sullississallutik suliffeqarnerup ineriartortinneqarnissaanut, tamatumani aamma nukittorsassallugu sulisut piginnaasatigut ineriartornissaat aamma nunap iluani sumiiffinnut assigiinngitsunut nikilertortarnikkut nuttarsinnaanissaat. Suliffissarsiortunut suliffissanik innersuussisassallutik aamma sulisitsisunut inuussutissarsiutini assigiinngiaartuni tamani sulisussanik innersuussisassallutik aamma suliffissanut atorfinnullu assigiinngiaartunut tamanut.”*

Partii Naleqqap akuersaaruminaatsippaa sivisuumik suliffissaaleqisut inatsisiliuussisarnermi puiguinnarneqarsimanerat. Taamaattumillu Partii Naleraq isumaqarpoq Kalaallit Nunaanni sivisuumik suliffissaaleqisut ornittagassaannik pilersitsisoqarnissaa siunertaralugu periarfissamik iluaqutaanik aamma ajoqutaanik misissuisoqarnissaannik ukiakkut 2020 saqqummiussissasut.

Kalaallit Nunaanni sivisuumik suliffissaaleqisunik oqartarnek atorneqanngilaq. Partii Naleqqap oqariartuutaa malillugu sivisuumik suliffissaaleqisut tassaapput tulluarsaqatigiiaanut immikkoortitserisassallutik Naalackersuisuniit aamma Majoriaq-miit atorneqartartut. Partii Naleqqap inuit tulluarsaqatigiiaanut immikkoortitikkat 2 aamma 3 sivisuumik suliffissaaleqisutut inissisimanerat uani eqqartorneqarpoq. Tulluarsaqatigiiaanut immikkoortitikkat 2 isumaqarluni: sulileriaannaq, tulluarsaqatigiiaanut immikkoortitikkat 3 tassaallutik sulinissaminik piareersimanngitsoq aamma sulilernissaminut sammisaqarnissaminut peqataasinnaanngitsoq¹

Partii Naleqqap ukua misissorneqassasut kissaatigaa:

- 1) Kommuni/Namminersorlutik Oqartussat iluani ornittakkap inissisimassappat suut ilaqutissartarinerai aamma ajoqutissartarinerai.
- 2) Majoriaq-miit sammisaqartitsivimmi suliassat tunniunneqassappata iluaqutissartai aamma ajoqutaaratarsinnaasut.
- 3) Suliffissaaleqisumut suliffissaaleqinerata nalaani sapinngisaq tamaat aallaavigalugu sivikitsuutinnissaanut taamatullu suliffissanut attuumassuteqarnera pilersissallugu/ataatiinnassallugu suliffissaqartitsiniarnermi politikkip suliffissaaleqisup suliumassusaata periarfissiuunneqarnissaat tunaartaralugu.
- 4) Sulilersinniarlugu periutsit periarfissarsiuussinissaq soorlu akissarsiatigut tapiissutit, suliffimmi sulilluni misiliinermi, ulluinnarni suliassat il.il.

Pisortanut aningaasatigut allaffissornikkullu kingunerisassai:

Misissuineq AC-tut ilinniarsimasumik sulisitsinermi 1,5-itut sivisussuseqarnissaa 750.000 kr.-ninillu naleqassagatinneqarpoq.

Namminersortunut aningaasaatigut allaffissornikkullu kingunerisassai:

Soqanngilaq

Innuttaasunut aningaasatigut allaffissornikkullu kingunerisassai:

Soqanngilaq

¹https://naalackersuisut.gl/~media/Nanoq/Files/Publications/Arbejdsmarked/KAL/LOVPLIGTIG_ARBEJSMARKEDSRED EGORELSE 2012 2013 KAL 281013.pdf